

তারিখ: ০৩.০৯.২০২৫

প্রেস বিজ্ঞপ্তি

আন্তর্জাতিক তায়কোয়ান্দো প্রতিযোগিতায় চসিকের অর্জন। পদক জিতল চসিকের শিক্ষা প্রতিষ্ঠানের শিক্ষার্থীরা

জনপ্রিয় মার্শাল আর্ট তায়কোয়ান্দোতে আন্তর্জাতিক প্রতিযোগিতায় সাফল্য পেয়েছে বাংলাদেশের ৩ শিক্ষার্থী। পদক বিজয়ীরা চট্টগ্রাম সিটি কর্পোরেশন পরিচালিত কাট্রলী সিটি কর্পোরেশন বালিকা উচ্চ বিদ্যালয় ও কলেজের শিক্ষার্থী। বুধবার পদকজয়ী শিক্ষার্থীরা চট্টগ্রাম সিটি মেয়র ডা. শাহাদাত হোসেনের সাথে সৌজন্য সাক্ষাতকালে তাদের সাফল্য তুলে ধরে এবং ভবিষ্যতে বাংলাদেশকে আরো বড় পদক এনে দেয়ার দৃঢ় প্রত্যয় ব্যক্ত করে। এসময় মেয়র বিজয়ী শিক্ষার্থীদের উৎসাহ দেয়ার জন্য ব্যক্তিগত ফান্ড থেকে আর্থিক পুরস্কার প্রদান করেন এবং তাদের সংবর্ধনা দেয়ার ঘোষণা দেন।

উল্লেখ্য চীনের নিংবো শহরে ১৬-১৭ আগস্ট অনুষ্ঠিত এশিয়া ওপেন আইটিএফ তায়কোয়ান্দো-ডো চ্যাম্পিয়নশিপ ২০২৫ (Asia Open ITF Taekwon-Do Championship 2025) প্রতিযোগিতায় অংশ নিয়ে তিনজন শিক্ষার্থী পদক অর্জন করে বাংলাদেশের গৌরব বৃদ্ধি করেছে। কাট্রলী সিটি কর্পোরেশন বালিকা উচ্চ বিদ্যালয় ও কলেজের শিক্ষার্থী উম্মে সাইরা তানসি – স্বর্ণপদক, বৃত্তি দেবী দুষ্টি – রৌপ্যপদক, সারমিন আক্তার – ব্রোঞ্জ পদক জয় করে আন্তর্জাতিক অঙ্গনে চট্টগ্রামের নাম উজ্জ্বল করেছে।



প্রতিযোগিতার উদ্বোধনী অনুষ্ঠানে প্রধান অতিথি ছিলেন আইটিএফ প্রেসিডেন্ট গ্র্যান্ডমাস্টার চোই জং হোয়া। এসময় আরও ৯ দেশের আইটিএফ প্রেসিডেন্ট ও কোচবৃন্দ উপস্থিত ছিলেন। চ্যাম্পিয়নশিপে অংশগ্রহণকারী দেশগুলোর মধ্যে ছিল অস্ট্রেলিয়া, কিরগিজস্তান, নেপাল, মালয়েশিয়া, রাশিয়ান ফেডারেশন, বাংলাদেশ এবং পোল্যান্ড। এসময় চট্টগ্রাম সিটি কর্পোরেশনের মেয়র ডা. শাহাদাত হোসেন শিক্ষার্থীদের এ সাফল্যে গর্ব প্রকাশ করে বলেন, আমাদের মেয়র প্রমাণ করেছে যে, সঠিক দিকনির্দেশনা ও পরিশ্রম থাকলে আন্তর্জাতিক অঙ্গনে সাফল্য অর্জন করা সম্ভব। এই অর্জন শুধু চট্টগ্রামের নয়, বরং সমগ্র বাংলাদেশের গৌরব। সিটি কর্পোরেশনের পক্ষ থেকে ভবিষ্যতেও ক্রীড়াবিদদের সর্বাঙ্গিক সহযোগিতা অব্যাহত থাকবে। এসময় উপস্থিত ছিলেন প্রধান শিক্ষা কর্মকর্তা ড. কিসিঞ্জার চাকমা, বিদ্যালয়ের অধ্যক্ষ মোঃ আবুল কাশেম, কোচ ও সভাপতি মোহাম্মদ আলী আকবর ও শিক্ষার্থী বৃন্দ।

চট্টগ্রাম হবে সমন্বিত উন্নয়নের শহর: মেয়র ডা. শাহাদাত হোসেন

চট্টগ্রাম সিটি কর্পোরেশন (চসিক) মেয়র ডা. শাহাদাত হোসেন বলেছেন, “সব সংস্থার সমন্বিত উদ্যোগের মাধ্যমেই চট্টগ্রামকে একটি উন্নত, আধুনিক ও পরিচ্ছন্ন শহর হিসেবে গড়ে তোলা সম্ভব।” বুধবার টাইগারপাসস্থ চসিক কার্যালয়ে অনুষ্ঠিত চট্টগ্রাম সিটি কর্পোরেশনের সার্বিক কার্যক্রম সূষ্ঠাভাবে পরিচালনার লক্ষ্যে গঠিত কমিটির ৬ষ্ঠ সভায় সভাপতির বক্তব্যে এ মন্তব্য করেন তিনি। সভায় স্বাস্থ্য, শিক্ষা, বর্জ্য ব্যবস্থাপনা ও জনদুর্ভোগ কমাতে গৃহীত কার্যক্রম নিয়ে বিস্তারিত আলোচনা হয়। সভায় বর্জ্য ব্যবস্থাপনা বিষয়ে মেয়র ডা. শাহাদাত হোসেন বলেন, ডোর টু ডোর বর্জ্য সংগ্রহের বিষয়ে আগে নীতিমেলা ছিল না। তাই যে যার ইচ্ছামত টাকা নিত। এখন আমরা ফিক্স করে দিয়েছি বাসা প্রতি সর্বোচ্চ ৭০ টাকা। কেউ যদি সেখানে ১০০ টাকার কোন স্লিপও দেয় আপনারা প্রমাণ জমা দিবেন ওই প্রতিষ্ঠানের ওয়ার্ক অর্ডার আমরা ক্যান্সেল করে দিব। আর দোকান, শিল্প-কলকারখানা সেগুলোর একটা আলাদা রেট আছে। ওটা আমরা ফিক্স করেছি। তবে ভাসমান দোকান থেকে টাকা আদায় করা যাবেনা কারণ সেগুলো অবৈধ এবং এগুলোকে আমরা উচ্ছেদ করি। টাকা আদায় করলে সেগুলোকে এক ধরনের বৈধতা দেয়া হয়ে যায়। “এখন মেডিকেল কলেজের সামনে আমরা উচ্ছেদ করছি। আমরা আগ্রাবাদে উচ্ছেদ করছি। আমরা যেগুলো বেশি গুরুত্বপূর্ণ এরিয়া সে জায়গুলো আমরা ধরেছি। আস্তে আস্তে সব জায়গা ধরব। আমরা তাদেরকে আবার পুনর্বাসন যখন করব তখন তাদেরকে আমরা পে-মার্কেটের আওতায় নিয়ে আসবো। বাজারের জায়গায় আমরা স্পষ্ট বলে দিয়েছি বাজার যেহেতু আমরা ইজারাদারকে দিয়েছি সেখানে কিন্তু এই শর্তটা থাকে যে সমস্ত পরিষ্কার পরিচ্ছন্নতা করার দায়িত্ব তাদের। কাজেই সে পরিষ্কার পরিচ্ছন্নতা করে ময়লা সুনির্দিষ্ট জায়গায় এনে দিবে। আমার লোকজন গিয়ে সেটা সেকেভারি গারবেজ স্টেশনে নিয়ে আসবে।” চট্টগ্রাম বিভাগের স্বাস্থ্য পরিচালক ডা: শেখ ফজলে রাশি শিশুদের সচেতন নাগরিক হিসেবে গড়ে তোলার উপর গুরুত্বারোপ করলে মেয়র বলেন, শিশুদের স্বাস্থ্যসুরক্ষা নিশ্চিত করতে আমরা চসিক স্কুলগুলোতে হেলথ কার্ড চালু করেছি। শুধু পরিষ্কার-পরিচ্ছন্নতা নয়, শিশুদের মানসিক স্বাস্থ্যও সমান গুরুত্বপূর্ণ। শিশুদের মাধ্যমেই একটি পরিচ্ছন্ন, সুস্থ ও সচেতন শহর গড়ে তোলা সম্ভব। এ জন্য এ কার্যক্রমের মাধ্যমে আমরা শিশুদের পার্সোনাল হাইজিন এবং নাগরিক দায়িত্বের বিষয়গুলো শিখাচ্ছি। পর্যায়ক্রমে চসিকের সব শিক্ষা প্রতিষ্ঠানে এ কার্যক্রম সম্প্রসারিত করা হবে।

আমাদের চসিকের স্বাস্থ্যস্বাথতে ডাক্তারের সল্লতা পুরণের জন্য অমরা চিকিৎসক ও কনসালটেন্ট নিয়োগ দিবো। এছাড়া শিক্ষার ক্ষেত্রেও লেখাপড়া আরো জোরদার করার জন্য শিক্ষক-শিক্ষিকা নিয়োগ নেয়ার পরিকল্পনা রয়েছে।

সভায় চিকনগুনিয়ার প্রকোপ নিয়ে আলোচনাকালে মেয়র বলেন, নগরবাসীকে ডেঙ্গু ও চিকুনগুনিয়ার প্রকোপ থেকে রক্ষা করতে আমরা আমরা ৫০ হাজার লিফলেট বিতরণ করেছি। পত্রিকায় গণবিজ্ঞপ্তি দিয়েছি আমরা চাচ্ছি জনগণকে সচেতন করতে, সম্পৃক্ত করতে। আমরা ৪১টি ওয়ার্ডে চসিক পরিচালিত সকল স্কুল-কলেজে লিফলেট বিতরণের মাধ্যমে সকল স্কুল-কলেজে শিক্ষার্থীদের মাধ্যমে সচেতনতামূলক বার্তা পৌঁছে দেওয়া হয়েছে। “ডেঙ্গু চিকেনগুনিয়া নিয়ে আমরা তো গতানুগতিক ধারায় যে প্রিভেন্টিভ মেজারগুলোর সবগুলোই আমরা নিয়েছি। রিসেন্টলি আমরা একটা মেডিসিন মারার জন্য সংগ্রহ করেছি। খুব ইফেক্টিভ বলে আমরা মনে করছি কারণ আমরা পরীক্ষামূলকভাবে বেশ কয়েকটি ওয়ার্ডে দেখেছি সেটা কাজ করছে। মশা ধ্বংস করছে। এর বাইরে যেটা আমরা কেন চিকনগুনিয়া বেড়ে গেল সেটা নিয়ে গবেষণা করছি। আগের বছর ডেঙ্গু বেড়ে গিয়েছিল চিকনগুনিয়া কম ছিল। এ বছর চিকনগুনিয়া বেড়ে গেল ডেঙ্গু কমে গেল। দুইটাই কিন্তু ভাইরাল ডিজিজ। ফাইনালি রিসার্চ করতে করতে পাওয়া গেল ডেঙ্গু অলরেডি এটা ইমিউনাইজড হয়ে গেছে। ডেঙ্গু হতে হতে ডেঙ্গুর চিকিৎসা এটা ইমিউনাইজড হয়ে গেছে। এজন্য ডেঙ্গু কমে গেছে। চিকুনগুনিয়া নতুন করে বেড়ে গেছে। এটা জাস্ট একটা রিসার্চের একটা হয়তোবা ইন্টারপ্রেটেশন হতে পারে। আরো হয়তোবা কারণ থাকতে পারে। সিএসসিআর, ট্রিটমেন্ট, পেডিকোরসহ বিভিন্ন হাসপাতালের চিকিৎসক-গবেষকদের সমন্বয়ে চিকনগুনিয়ার এ ধরনের বিস্তৃতির বিষয়ে গবেষণা করে কারণ উদঘাটনের উদ্যোগ নেয়া হয়েছে। আশা করি শীঘ্রই এ ব্যাপারে গবেষণার ফলাফল উপস্থাপন করা যাবে। সভায় উপস্থিত জনস্বাস্থ্য প্রকৌশল অধিদপ্তরের প্রতিনিধি জানান, চসিকের চলমান উচ্ছেদ কার্যক্রম প্রশংসনীয়। নগরীতে ভাসমান ব্যবসায়ীদের কারণে যানজট ও জনদুর্ভোগ বাড়ছে। বর্তমানে রাস্তার পাশে, ফুটপাতে ভাসমান যে ব্যবসায়ীরা অবৈধভাবে ব্যবসা করে এতে করে নগরীতে যানজট সৃষ্টি হয়। পাশাপাশি জনগণের চলাচলের বাধা সৃষ্টি হয়। বিশেষ করে লালখান বাজার নগরীর ব্যস্ততম জায়গা। এখানেও অনেক ভাসমান অস্থায়ী ব্যবসায়ীর কারণে যানজট ও জনদুর্ভোগ পোহাতে হয়। তাই লালখান বাজারের এই ভাসমান যে ব্যবসায়ীদের উচ্ছেদ প্রয়োজন। এছাড়া লালখান ফ্লাইওভারে উঠার র্যাম্পটিকে বাইকাররা ইউটার্ন নিতে ব্যবহার করছে। এটি খুবই বিপদজনক। বেশকিছু দিন আগেও একটি দুর্ঘটনার সম্মুখীন হয়েছে। দুর্ঘটনা এড়াতে দ্রুত ব্যবস্থা নেওয়ার আহ্বান জানান তিনি। এ প্রেক্ষাপটে মেয়র সিডিএ’র প্রতিনিধিকে দ্রুত পদক্ষেপ গ্রহণের নির্দেশনা দেন।

এসময় আরো উপস্থিত ছিলেন চসিকের প্রধান নির্বাহী কর্মকর্তা শেখ মুহম্মদ তৌহিদুল ইসলাম, সচিব মো. আশরাফুল আমিনসহ বিভাগীয় প্রতিনিধিবৃন্দ, কোতোয়ালী থানার সহকারী পুলিশ কমিশনার মো: মাহফুজুর রহমান, চট্টগ্রাম বন্দর কর্তৃপক্ষের উপ-প্রধান প্রকৌশলী সাইফ উদ্দিন আহমদ, চট্টগ্রাম জেলা প্রশাসক কার্যালয়ের সিনিয়র সহকারী কমিশনার এস.এম.এন জামিউল হিকমা, সড়ক ও জনপথ অধিদপ্তরের তত্ত্বাবধায়ক প্রকৌশলী মোহাম্মদ জাহেদ হোসেন, এল.জি.ই.ডি সহকারী প্রকৌশলী আসিফ মাহমুদ, বিদ্যুৎ উন্নয়ন বোর্ডের উপ-সহকারী প্রকৌশলী এ কে এম মামুনুল বশরী, চট্টগ্রাম জেলা পরিবেশ অধিদপ্তরের সহকারী পরিচালক সাইফুল ইসলামসহ কর্মকর্তা-কর্মচারীবৃন্দ।

স্বাক্ষরিত/-

(আজিজ আহমদ)

জনসংযোগ ও প্রটোকল কর্মকর্তা

চট্টগ্রাম সিটি কর্পোরেশন।

মোবাইল-০১৮১৯-৯৩০৪৮৮